

清代松江府文学世家述考
(下册)

徐侠著

上海三联书店

上海市松江历史文化丛书

清代松江府文学世家述考


(下册)

徐侠著



上海三联书店

上海市松江历史文化丛书



图书在版编目(CIP)数据

清代松江府文学世家述考(上下册)/徐侠著. —上海:上海三联书店,2013. 11

ISBN 978-7-5426-4347-6

I. ①清… II. ①徐… III. ①作家-传记-上海市-清代
IV. ①K825.6

中国版本图书馆 CIP 数据核字(2013)第 202277 号

清代松江府文学世家述考(上下册)

著 者 / 徐 侠

责任编辑 / 叶 庆

装帧设计 / 徐 徐

监 制 / 李 敏

出版发行 / 上海三联书店

(201199)上海市都市路4855号2号楼10楼

网 址 / www.sjpc1932.com

邮购电话 / (021)24175971

印 刷 / 上海叶大印务发展有限公司

版 次 / 2013 年 11 月第 1 版

印 次 / 2013 年 11 月第 1 次印刷

开 本 / 787 × 1092 1/16

字 数 / 1200 千字

印 张 / 71.25

书 号 / ISBN 978-7-5426-4347-6/K · 224

定 价 / 280.00 元

敬启读者,如发现本书有印装质量问题,请与印刷厂联系 021-66019858



松江历史研究会 出资
松江图书馆

青浦县文学世家

青浦县

(明代嘉靖二十一年始设,三十二年废县,万历元年复置)

陆庆臻世家

附陆景俊、陆箕永、陆伯焜、陆寿铭、陆寿铭妻汪氏

陆庆臻(万历四十一年—康熙三十二年),字集生,一字芥庵,号笏田,华亭人,陆树声曾孙、陆彦章孙,家住府城沙家桥,昆季皆比屋而居,后庆臻迁居青浦。崇祯十五年中举人,有声几社。入清,以诗文雄长东南。顺治八年,拣选推官,不赴。庆臻生长华廛,兄庆曾、弟庆衍咸以才名重当世。既遭鼎革,贫甚,两亲不克葬亲,尝泫然曰:“吾安得一笏之田以安吾亲体魄乎?”莱阳宋琬为赋《笏田行》,人称笏田先生。游幕燕晋间,依人幕下。晚归,徙居珠街镇,喜其水木清华,列为十景。杜门不出,四方贤士大夫造请无虚日。年八十一卒。陆氏一门多才俊,陆庆衍、陆庆绍、陆庆裕、陆庆曾、陆庆滋、陆庆源、陆庆恒皆其著者,而陆庆臻为最。(宋琬《安雅堂诗文集》、王昶《蒲褐山房诗话》、王昶《青浦诗传》卷十六陆庆臻小传、乾隆《青浦县志》、嘉庆《松江府志》卷五十六、光绪《青浦县志》卷十五选举卷十九文苑传、光绪《重修华亭县志》卷十六人物五)

陆景俊,陆庆臻从父,字尔明,青浦人。明诸生,矜尚气谊,不以盛衰改节。甥李待问殉难,冒险入城,得其棺以出。知福宁州徐丙晋亦其甥也,远宦归,寄迹神山,及没,贫无以敛,往临其丧,即为营葬。从子陆庆曾谪戍沈阳,护其家累出关。著有《辨亡论》、《驳石塘议》、《陆氏世谱》藏于家,又有自撰年谱二卷,记鼎革时事甚详,张若曦序之。(嘉庆《松江府志》卷五十六、光绪《青浦县志》卷二十一懿行传)

陆箕永,陆庆臻第五子,字二水,一字诗城,青浦人。诸生,康熙四十二年南巡,献《九峰赋》,召试行在,命赴京再试畅春园,赐御书《孝经》及衣服笔砚,给路费银两归,归家读书以应试。康熙四十四年,复遇南巡,献《庐山赋》,奉旨赐监生,入值武英殿,食七品俸,在翰林院行走,与纂《佩文韵府》。康熙四十八年书成,授四川绵竹知县,以明惠称。雍正二年,擢古北口同知,雍正四年调厦门同知,摄兴泉道事,年六十四卒。著有《赐书堂稿》。(姜兆翀《松江诗钞》卷二十一陆箕永小传、光绪《青浦县志》卷十九文苑传)

陆伯焜(乾隆七年—嘉庆七年),陆庆臻玄孙,字仲辉,又作重辉、重晖,号璞堂,青浦人。少颖异,十岁遍诵五经三传,十七为诸生,明年补廪生,与同邑王昶、上海陆锡熊、赵文哲、张熙纯、吴门吴泰来、嘉定曹仁虎诸名士游,入文酒之会,尤与陆锡熊以诗文相得。至京师,馆倪成宽家,尚书于敏中闻其名,延主书记,伯焜从其入直军机,留意朝章典故,被倚如左右手,凡扈蹕之地必相随。乾隆三十八年东巡天津,召试,钦赐举人,捐内阁中书舍人。乾隆四十五年成进士,改庶吉士,散馆一等第一名,授编修,兼撰进呈文字。乾隆四十九年,教习庶吉士,补三通馆纂修官、四库全书提调官。乾隆五十年,大考翰詹第一,升侍读学士。乾隆五十六年大考,降吏部员外郎,充乡试同考官,累迁鸿胪寺光禄少卿。嘉庆二年,擢江西按察使,调浙江按察使。嘉庆四年引肝疾归,嘉庆七年十一月卒。伯焜少以词赋称,诗初宗三唐,后出入王士慎、查慎行两公间,清新婉约。著有《玉笥山房诗钞》。(王昶《春融堂集》卷五十六陆伯焜墓志铭、王昶《蒲褐山房诗话》、王昶《湖海诗传》卷三十六陆伯焜小传、姜兆翀《松江诗钞》卷四十九陆伯焜小传、嘉庆《松江府志》卷六十、李桓《国朝耆献类征初编》卷一百九十二、光绪《青浦县志》卷十九文苑传、朱汝珍《词林辑略》卷四)

陆寿铭,陆庆臻七世孙、陆伯焜孙,字晴初,诸生,幼耽坟典,五七古诗有深嗜。妻汪氏亦能诗,倡和甚相得。汪早世,寿铭哀悼过情,无聊纵酒卒。著有《酒边集》。(王昶《春融堂集》卷五十六陆伯焜墓志铭、光绪《青浦县志》卷十九文苑传陆伯焜传附)

汪氏,陆庆臻七世孙、媳陆寿铭妻,号纫青女史,能诗,闺中倡和甚相得也。早卒,著有《扶云吟稿》。(光绪《青浦县志》卷十九文苑传陆伯焜传附)

陆氏家族

六世祖 陆兰,陆树声祖,华亭人。务农,以孙陆树声贵赠尚书。(崇祯《松江府志》卷三十五封赠)

高祖 陆鹄,陆树声父,华亭人。务农,封编修,赠尚书,祀乡贤祠。(崇祯《松江府志》卷三十五封赠)

曾祖 陆树声(正德四年—万历三十三年),字与吉,号平泉,华亭人,家松江府城沙家桥西。少力田,暇即读书,身長八尺,端重有威仪。年四十,善病,摄心泖寺。嘉靖二十年会试第一,选庶吉士,授编修。三十一年请急归,遭父丧。久之,起南京司业。未几,复请告去。久之,起太常卿,掌南京祭酒事,严敕学规,著条教十二以励诸生。召为吏部右侍郎,不就。神宗嗣位,即家拜礼部尚书,力辞不得,乃赴阙。执政张居正用后进礼先谒之,树声相对穆然,意若不甚接者,居正失望去。一日以公事诣居正,据坐不少逊,居正心殊不怿。立朝端介,北夷要增岁币,力争止之。连疏乞归,临行陈时政十事,多切时弊。万历三十三年卒,年九十七,赠太子太保,谥文定。树声通籍六十余年,居官未及一纪,与徐阶同里,高拱则同年进士,两人相继柄国,皆辞疾不出,及为居正所推,卒不附也。(李绍文《云间人物志》卷三、何三畏《云间志略》卷十三、过庭训《国朝京省分郡人物考》卷二十六、崇祯《松江府志》卷四十

贤达五、李延昱《南吴旧话录》卷五卷六卷八卷十卷十一、查继佐《罪惟录》卷十五清介诸臣列传下、康熙《松江府志》卷四十二名臣、康熙《江南通志》卷四十四、《明史》卷二百十六列传第一百四、乾隆《江南通志》卷一百卷四十一宦绩三、嘉庆《松江府志》卷五十三、乾隆《华亭县志》卷十二名臣、光绪《重修华亭县志》卷十四人物三卷二十艺文、光绪《青浦县志》卷十七人物一陆树声传)

从曾祖 陆树德,树声弟,字与成,号阜南,华亭人。少沉毅,嗜学不倦。嘉靖四十四年中进士,除严州推官,升刑部主事。隆庆四年改礼科给事中,屡迁都给事中。居言职三年,奏疏数十上,率侃直,皆切时务。历太常少卿、南京太仆卿,以右佥都御史巡抚山东,首问民疾苦,裁苛敛,去里甲诸不变。自奉甚薄,约束僚吏,屏绝声伎,颇着风裁。上书争事不得,积劳遘疾,告归。父事兄,年六十六卒。(李绍文《云间人物志》卷四、何三畏《云间志略》卷十八、过庭训《国朝京省分郡人物考》卷二十六、崇祯《松江府志》卷四十贤达五、康熙《松江府志》卷四十二名臣、康熙《江南通志》卷四十四陆树声传附、《陆氏族谱》、《明史》卷二百二十七列传第一百十五、乾隆《江南通志》卷一百卷四十一宦绩三、嘉庆《松江府志》卷五十三、光绪《重修华亭县志》卷十四人物三、光绪《青浦县志》卷十七人物一)

祖 陆彦章,字伯达,号紫阳,华亭人。夙惠,师同邑沈时来,工诗文,书法妍雅,小楷尤工。万历十三年中举人,万历十七年中进士,以父陆树声诫不就馆选,官行人,乞告终养,特诏月给半俸,侍老父十七年。万历三十三年丁父忧,为文誓墓不出。服阕,屡被荐,特起光禄寺丞,端介有父风,敦尚名节。致仕归,再起南京刑部侍郎,其介石之节为时所重,年六十五卒。著有《读书园集》。(李绍文《云间人物志》卷三陆树声传、崇祯《松江府志》卷三十四选举卷四十陆树声传附、李延昱《南吴旧话录》卷十五夙惠、康熙《松江府志》卷四十二名臣、康熙《江南通志》卷四十四、《明史》卷二百十六陆树声传附、乾隆《江南通志》卷一百卷四十一宦绩三陆树声传附、嘉庆《松江府志》卷五十三陆树声传附、光绪《青浦县志》卷十五选举卷十七陆树声传附卷二十二艺术传、光绪《重修华亭县志》卷十四人物三陆树声传附卷二十艺文)

从祖 陆彦禎,一作陆彦楨,陆树德子,字以宁,号中阳,华亭人。万历十九年中举人,万历二十三年中进士,官至南京吏部考功司主事。有才识,著《均役议》,颇便于民。(何三畏《云间志略》卷二十三、李绍文《云间人物志》卷四、嘉庆《松江府志》卷五十三陆树德传附、光绪《青浦县志》卷十五选举卷十七人物一陆树声传附)

父 陆景行,国学生。(王昶《春融堂集》卷五十六陆伯焜墓志铭)

从父 陆景俊

从父 陆景朋,陆彦禎子、陆树德长孙,万历三十一年中举人。(崇祯《松江府志》卷三十五录荫、嘉庆《松江府志》卷五十三、光绪《青浦县志》卷十五选举卷十七人物一陆树声传附)

从父 陆景皋,陆树德孙、陆景朋弟,补兄荫,未仕卒。(崇祯《松江府志》卷三十五录荫)

从父 陆景元,陆树德孙,九十存问,谢恩特荫。(崇祯《松江府志》卷三十五录荫)

族父 陆懋修,字道立,号曲成,华亭人,陆树声从侄孙。传见何三畏《云间志略》卷二十一。

陆庆臻

兄 陆庆衍,陆彦章孙,字椒伸,明崇祯十五年中举人,崇祯十六年中进士,官刑部郎中。(光绪《重修华亭县志》卷十六人物五陆庆臻传附、光绪《青浦县志》卷十五选举)

兄 陆庆裕,陆彦章孙,字文饶,华亭人,顺治中岁贡生,候选知县。(姜兆种《松江诗钞》卷六陆庆裕小传、光绪《重修华亭县志》卷十六人物五陆庆臻传附)

兄 陆庆曾,陆庆臻兄、陆彦章孙,字子元,一字皞如,青浦人。少时意气豪上,辞采繁缛,素负才名,为吴伟业、陈维崧所推,居丙舍,颇擅园亭之胜。为金山卫籍诸生,顺治十四年序贡入都,中顺天乡试举人,以科场事徙沈阳,卒于戌所。(董含《三冈识略》卷三、王昶《蒲褐山房诗话》、王昶《青浦诗传》卷十六陆庆臻小传、姜兆种《松江诗钞》卷三陆庆曾小传、光绪《青浦县志》卷十五选举卷十九文苑传陆庆臻传附、光绪《重修华亭县志》卷十六人物五陆庆臻传附)

兄 陆庆滋(光绪《重修华亭县志》卷十六人物五陆庆臻传附)

兄 陆庆源(光绪《重修华亭县志》卷十六人物五陆庆臻传附)

兄 陆庆恒(光绪《重修华亭县志》卷十六人物五陆庆臻传附)

族兄 陆庆绍,陆景朋子、陆树德曾孙,字孟闻,一作孟开,青浦籍,崇祯十五年与庆臻同榜中举人。(嘉庆《松江府志》卷五十三、光绪《重修华亭县志》卷十六人物五陆庆臻传附、光绪《青浦县志》卷十五选举卷十七人物一陆树声传附)

族弟 陆庆佑,陆景元子,承父荫,未仕。(光绪《青浦县志》卷十六选举下)

子 陆光弼,诸生。(王昶《春融堂集》卷五十六陆伯焜墓志铭)

子 陆箕永

从子 陆鸣五,陆庆曾子,从父徙沈阳,居铁岭。顺治十八年,塞外进鹿,请于主者至京师,复给假归里,未几仍返戍所。高层云作《汗血行》赠之,称其美秀而文,工于骑射。(王昶《蒲褐山房诗话》、光绪《青浦县志》卷十九文苑传陆庆臻传附)

从子 陆允襄,陆树声玄孙,字上服,华亭人。工诗,与黄冈杜茶村、漳浦赵尊客、同郡张彦之等交往,尝偕之府城百岁坊陆文定祠讌集,分韵赋诗。(姜兆种《松江诗钞》卷二十五小传及诗选)

孙 陆瑜,陆庆臻孙、陆伯焜祖,字冠吴,康熙五十九年中举人,官泰兴教谕。朴俭刻励,罢官后,墙壁多自泥砌。以孙陆伯焜仕赠浙江按察使。卒年七十五。(王昶《春融堂集》卷五十六陆伯焜墓志铭、光绪《青浦县志》卷十五选举卷二十一懿行传)

族孙 陆方炳,陆树声六世孙,字虎文,号纯安,华亭人。诸生,由例贡入太学肄业,充正红旗教习,授河南浍池县知县,於邑中忠义节孝加意表彰,又以明儒曹端祠宇颓落,思为兴复。著有《浍池咏》。(姜兆种《松江诗钞》卷二十陆方炳小传)

曾孙 陆范濂,一作陆范镰,字啸岩,又作绣岩、季岩,青浦人。华亭县诸生,少与同里王昶同学,以词赋相切劘,诗学三唐、苏黄范陆,骈体宗四杰。昶辑《青浦诗传》,亟称其诗。书学欧阳询,晚年画山水出入倪、董,颇淡雅。(王昶《蒲褐山房诗话》、王昶《青浦诗传》卷三十陆范濂小传、姜兆种《漱芳斋诗话》、姜兆种《松江诗钞》卷三十七陆范濂小传、嘉庆《松江府志》卷六十、光绪《青浦县志》卷十九文苑传)

曾孙 陆楣,陆瑜子、陆伯焜父,赠中宪大夫、翰林院侍读学士。(王昶《春融堂集》卷五十六陆伯焜墓志铭)

玄孙 陆伯焜

玄孙媳 王氏,陆伯焜妻、王昶从兄王本藩女,例封淑人。(王昶《春融堂集》卷五十六陆伯焜墓志铭)

六世孙 陆元琦,陆伯焜长子,国学生,辑父诗。(王昶《春融堂集》卷五十六陆伯焜墓志铭、光绪《青浦县志》卷二十七艺文上)

六世孙 陆元珪,陆伯焜次子(王昶《春融堂集》卷五十六陆伯焜墓志铭)

七世孙 陆寿铭,陆伯焜孙(王昶《春融堂集》卷五十六陆伯焜墓志铭)

七世孙 陆寿钧,陆伯焜孙(王昶《春融堂集》卷五十六陆伯焜墓志铭)

七世孙 陆寿铨,陆伯焜孙(王昶《春融堂集》卷五十六陆伯焜墓志铭)

七世孙 陆寿镛,陆伯焜孙(王昶《春融堂集》卷五十六陆伯焜墓志铭)

七世孙 陆寿锡,陆伯焜孙(王昶《春融堂集》卷五十六陆伯焜墓志铭)

七世孙 陆寿铨,陆伯焜孙(王昶《春融堂集》卷五十六陆伯焜墓志铭)

七世孙媳 汪氏,陆寿铭妻

八世孙 陆俊,以子陆鸿綉仕封赠闾中知县(光绪《青浦县志》卷十六选举)

九世孙 陆鸿綉,字黼天,乾隆十八年中举人,官闾中知县,改吴县教谕。才情华美,风雅多文。自燕入蜀,所过古刹荒祠,残碑断碣摹搨甚夥,晚年笔法尤入古。(光绪《青浦县志》卷十五选举、卷十九文苑传)

陆氏交游

陆庆臻交游

高丕騫,字查客,一作槎客,号小湖,华亭人。传见华亭高氏世家。尝作《寻陆孝廉、毕上舍不遇》诗。(王昶《蒲褐山房诗话》)

许纘曾,字孝修,号鹤沙,华亭人。见华亭许纘曾世家及交游。

陆伯焜交游

陈育姜,字凤昌,号补山,青浦人。诸生,工诗,多绮丽缠绵之作。从其外王父游,与昆山孙芷佩、新阳周有筠、嘉定张诵芬、同邑陆伯焜交。例贡入国子监,充四库全书馆誊录,卒于京邸。著有《瓣香诗钞》。(姜兆翀《松江诗钞》卷五十一陈育姜小传)

法式善,本名运昌,字开文,号时帆,蒙古乌尔济氏,隶内务府正黄旗。乾隆四十五年中进士,授检讨,迁司业。由庶子迁侍读学士,大考降员外郎,阿桂荐补左庶子。晋侍讲学士,即以大考左迁赞善,复晋侍讲学士,又坐修书不谨贬庶子,遂乞病归。性好文献,以宏奖风流为己任,主盟坛坫三十年,问字求诗者往往满堂,经师文士,一艺攸长,莫不被其容接。所居厚载门北,明李东阳居旧址,背城面市,一亩之地。构诗龕及梧门书屋,藏书万卷及法书名画,得海内名流咏赠,即投诗龕中。为诗质而不癯,清而能绮,尝作《同陆璞堂学士、程东冶侍读、江秋史编修集许秋岩前辈秋水阁》。著有《清秘述闻》、《槐厅载笔》、《存素堂诗集》

等。(王昶《蒲褐山房诗话》、王昶《湖海诗传》卷三十六法式善小传及诗选、《清史稿》卷四百八十五列传二百九十文苑二)

桂馥,字未谷,一字冬卉,曲阜人。博涉群书,尤潜心小学,精通声义,与段玉裁齐名。乾隆五十五年中进士,选云南永平知县,卒於官。自诸生以至通籍四十年间,日取许氏《说文》与诸经之义相疏证,力穷根柢。工诗,尝作《题陆璞堂先生适园灌畦图》。著有《说文义证》五十卷、《晚学集》十二卷、《札朴》十卷等。(王昶《湖海诗传》卷四十桂馥小传及诗选、《清史列传》卷六十九儒林下二、《清史稿》卷四百八十一列传二百六十八儒林二)

陆氏第宅

陆氏祖宅,在松江府城沙家桥西、合掌桥东后,曾祖陆树声置,有天寿堂、麟庆堂,门有额曰天恩存问。子陆彦章宅即在其旁,有大椿馆。陆庆臻昆季皆比屋而居。入清为昭武将军杨捷宅,俗呼杨府。(范濂《云间据目抄》卷五、王澐《云间第宅志》、乾隆《华亭县志》卷七第宅、嘉庆《松江府志》卷七十七华亭县第宅、光绪《重修华亭县志》卷十六人物五陆庆臻传、光绪《重修华亭县志》卷十四人物三陆树声传卷二十一名迹城内第宅)按:宅后有大椿,陆彦章在告家居,以父陆树声暮年,故名。

淞南草堂,陆树声别宅,在娄县陆家厍。(乾隆《娄县志》卷十三名迹志第宅)

适园,在松江府城北门(通波门)内柳家巷,陆树声所筑。光绪年间已废。(乾隆《华亭县志》卷七园亭、姜兆翀《松江诗钞》卷二十九姚培益诗及注、光绪《重修华亭县志》卷二十一名迹城内园林)按:陆树声《适园记略》:循城之址,东南百步,得弃地焉。疏抉丛秽,就其下者为池,亭于池之上,累石以当其前。亭之左,折为楼,楼四达,以望远树竹木。其间饰堂之旧者以待宾客,屋于其旁者为茶寮,总之曰适园。始余自南雍谢病归,会以其地售者,余适有之。以其地之湫隘,弃于时,故易售,而余方倦游,思去烦以息静也,故得之若以为适者然,而余因是以观造物者所有,若泉石云物、花木禽鱼所为丽于两间,挟光景而与之游衍者。物各有以自适,而人于是寄其适焉。如是者日交于前,取之不禁也,则不惟余去烦息静者之所宜有,盖自造物者之有是也,而我与物之所共适,非一属于己可专而有之也。余于是将不有超然而自适者乎?”姜兆翀《松江诗钞》卷二十九姚培益《适园》诗注云:“赐茔在北门外,有庐曰墓田丙舍,堂以朱子书‘耕云钓月’为额。按:姜兆翀《松江诗钞》卷二十九姚培益《适园》诗注云:“赐茔在北门外,有庐曰墓田丙舍,堂以朱子书‘耕云钓月’为额。”

陆树德宅,在松江府城迎仙桥。(乾隆《华亭县志》卷七第宅、嘉庆《松江府志》卷七十七华亭县第宅)

南园,按陆树德别业,在松江府城南门外阮家巷。陆树德世居修竹乡金沙滩,后葺别业于此。子侍郎陆彦禎继居之,有梅南草庐、读书楼、濯锦窝诸胜。崇祯年间,几社诸子每就此园燕集。(乾隆《娄县志》卷十四名迹志下园林、嘉庆《松江府志》卷七十七娄县第宅附记园林)按周立勲诗:“日暮南园色,孤亭万木中。落花时度水,怪鸟急呼风。人静峰声出,岩深草气通。惟余高阁恨,犹是掩残红。”

群惠堂,陆景俊居,在青浦珠街镇西市,李待问书额。(嘉庆《松江府志》卷七十八青浦县

第宅、光绪《青浦县志》卷十二名迹园第、光绪《松江府续志》卷三十八名迹志青浦县第宅补遗)

濯锦窝,陆庆绍居,在青浦珠里。按《珠里小志》云:《景俊年谱》载濯锦窝在珠里,陆彦禎孙陆庆绍所居,春时牡丹盛开,诸群从饮酒赋诗于此,而郡志称为陆彦禎别业,在郡城内,当亦有据。(嘉庆《松江府志》卷七十八青浦县第宅、光绪《青浦县志》卷十二名迹园第、光绪《松江府续志》卷三十八名迹志青浦县第宅补遗)

陆氏著作

陆庆臻著作

文献载录:

《陆集生近体诗》一册上下二卷(许纘曾《宝纶堂稿》卷五《陆集生近体诗序》)按:康熙二十七年长夏,驾小舟,张布帆,至松江府城之西,访许纘曾于水镜山房,晤言一室,出近体诗一卷请序。许序称其精神境界有出乎寻常阡陌之外者,“盖其源流既深,阅历既旧,託情寄兴,左右逢源,如舍利牟尼,旁观正视,各现一色,随人所见,我何能测其涯岸、定其品题,更何敢以云间诗派目之也。”

《芥庵诗稿》(光绪《青浦县志》卷二十七艺文上、光绪《重修华亭县志》卷二十艺文)按:《青浦诗传》云:“惟七律尚存”。

陆景俊著作

方志载录:

《辨亡论》、《驳石塘议》、《陆氏世谱》(嘉庆《松江府志》卷五十六本传)

陆箕永著作

文献载录:

《赐书堂稿》(姜兆种《松江诗钞》卷二十一陆箕永小传)

陆伯焜著作

文献载录:

《玉笥山房诗钞》四卷(王昶《春融堂集》卷五十六陆伯焜墓志铭、光绪《青浦县志》卷二十七艺文上、光绪《松江府续志》卷三十七艺文志集部补遗)按:子陆元琦辑,齐嘉绍序。

现存集部著作:

《玉笥山房诗抄》四卷《补遗》一卷,其子陆元琦辑,嘉庆八年写刻本(上图、南图)。按:齐嘉绍序,又钱德苍《缀白裘四集》有其乾隆三十一年所作序。

陆寿铭著作

方志载录:

《酒边集》(光绪《青浦县志》卷十九文苑传陆伯焜传附、光绪《青浦县志》卷二十七艺文上))

陆寿铭妻汪氏著作

方志载录:

《扶云吟稿》(光绪《青浦县志》卷十九文苑传陆伯焜传附、光绪《青浦县志》卷二十七艺文

上))按:子陆俊将《酒边集》、《扶云吟稿》汇而梓之,陈文述序。

智操世家

智操(天启六年一),字寒松,青浦人,青龙镇隆福寺僧,又住湖州弁山澄照寺。工诗,清初与青浦颐浩寺僧能印、佘山崇真道院曹昉同时以诗名。(王昶《蒲褐山房诗话》、王昶《青浦诗传》卷三十一、姜兆翀《松江诗钞》卷五十七智操小传、《国朝湖州诗录》卷三十四、《长兴诗存》卷三十九、光绪《青浦县志》卷二十九杂记上)

智操交游

能印,字空江,云间旧家子。幼失怙恃,乃来从慧生学空王法,住青浦金泽颐浩寺。聪颖异常,年十六,从博山松浪游,松浪儒而释者,有《梅花八百咏》,命录稿,读而慕之,遂学诗。顺治十四年,诣禾中梵寿寺,听讲《法华经》,亦恍然有得。康熙八年,挂瓢苏州石湖两载。后归本寺,梓《月山诗稿》,邑侯魏球序之。(姜兆翀《松江诗钞》卷五十七能印小传、光绪《青浦县志》卷二十九方外传)

王原,传见王原世家。王原尝赠能印诗,曰:“印公今才子,遯世脱白服。百篇咏梅花,泠泠叩清玉。爱君落花吟,一句为三复。诗情老更健,天赋疑所独。难得古人内,何暇论流俗。”(王昶《蒲褐山房诗话》、姜兆翀《松江诗钞》卷五十七能印小传)

智操著作

现存集部著作:

《寒松大师拈来草》一卷,方拱乾选 清初刻本(浙图)。

黄张美世家

附黄朱芾

黄张美,字含章,康熙七年岁贡生。以孙黄朱芾贵封赠镇安府知府。著有《东皋倡和集》。(姜兆翀《松江诗钞》卷九黄张美小传、光绪《青浦县志》卷十六选举封赠、卷二十七艺文志)

黄朱芾,黄张美孙,字奕藻,青浦人,居崧村。祖、父早世,曾祖黄廷瑞抚之成人,补县学生。舅孙鉉甄选《皇清诗选》,协助搜采,朱芾之力为多。以例入贡,考授光禄寺典簿,选广西

梧州府通判,时南山贼数千人四出劫掠官兵,会剿半载,势愈炽,朱芾与梧州协副将某统兵深入,多俘获,复以好言抚之,盗众解散。历署苍梧县浔州府。尝奉檄查各州县钱谷,绝不徇情,尽得其实。巡抚彭鹏深契之,升广西镇安府知府。泗州府土司争村庄,历年不决,事下朱芾,往勘,土司夜以银三千两馈,峻拒之。卒于官。撰有《崧村诗稿》、《素心集》等。(王昶《蒲褐山房诗话》、王昶《青浦诗传》卷二十一黄朱芾小传、姜兆翀《松江诗钞》卷二十黄朱芾小传、嘉庆《松江府志》卷五十七、光绪《青浦县志》卷十六选举卷十八仕绩传)

黄氏家族

祖 王师周

父 黄廷瑞,字君祥,增廣生,有文名。居西泾湾,父师周病牀二载,廷瑞敬奉汤药,事必躬亲,晨夕焚香默籲,愿以身代。孝养母归氏,不离侧。待兄弟诚笃。抚曾孙黄朱芾成人。康熙十八年学政刘果特举孝行。同治八年旌。(嘉庆《松江府志》卷五十七黄朱芾传、光绪《青浦县志》卷十八仕绩传黄朱芾传、卷二十二人物四孝友传)

黄张美

子 黄有源,字星涛,青浦人。诸生,以子黄朱芾贵封赠镇安府知府。工诗,《读书东皋》:“一尊浊酒读离骚,咫尺湘灵似可招。黯黯青灯孤影怯,数声疏雨在芭蕉。”(姜兆翀《松江诗钞》卷二十二小传及诗、光绪《青浦县志》卷十六选举封赠)

孙 黄朱芾

玄孙 黄圻,字觐扬,黄朱芾孙,好读书,多阴德。乾隆二十年大饥,出所有以周里中,急不足则割其亩。有童子守舟,适被窃,主怒不可解,为偿之。贷者至罔勿应,不归绝不与校。除夕,尝持钱伺穷乏家,置诸槛下,不使知与自何人,时称黄义士。中年游长沙,幕吴人沦于寓者,给资装,俾得归乡。岁戊戌,楚民多疫死,肆发囊金,瘞暴露,复封沙土,岁佣二力以为常。某节妇为迫嫁经于户,发其事,又力为请旌,王希伊为之作传。(光绪《青浦县志》卷二十一懿行传)

六世孙 黄镛,黄圻子,诸生,亦以好善称。(光绪《青浦县志》卷二十一懿行传黄圻传附)

黄朱芾交游

孙鉉,字思九,青浦人。传见孙鉉世家。

唐璟,字侶宋,号怡菴,青浦人。诸生,工诗,著有《怡菴唱和集》,自叙谓髫年受经,是时诗非唐不传,学诗者非唐不宗,迩年来始有《宋诗钞》之刻,武林乃有陆放翁、范石湖集相继行世。披诵之余,偶然则效,不自知其行秽云云。其两弟亦能诗,璟尝作《郊居即事依师遽来虞二弟韵》。(王昶《蒲褐山房诗话》、王昶《青浦诗传》卷二十五唐璟小传、姜兆翀《松江诗钞》卷十九唐璟小传)

唐瑗,唐璟弟,字师遽,青浦人。诸生,岁贡,官宿松训导。康熙三十年仲夏,唐璟与弟唐瑗举素心吟社,放舟小镜湖,时疏雨初晴,天光如沐,神余两峰映带左右,遂以柳宗元《雨后晓行》诗字分韵,各赋五言古诗一章,同社者为袁心友载锡、陈晓苍旭照、顾圣遴吴颖、顾辉九耀、

黄奕照朱芾、柏斯民古、邵天章崑、高王受以照、王东序毓任、顾丽苍炳、潘文起肇振、方蔚宗大礼、孙思九鎡、雷文德维馨、黄汉表宗琬、陆祖麓紫湄、师遽、侣宋及其弟来虞瑄共十九人。侣宋跋，有“韵限柳仪曹之廿字，体宗陶彭泽之五言。觞欲飞而咏就，少山阴十客之多。钵尚饔而吟成，免金谷百杯之罚”云云，洵青谿韵事也。唐瑗《邀同人集小镜湖分韵》见姜兆翀《松江诗钞》。（王昶《蒲褐山房诗话》、王昶《青浦诗传》卷二十五唐瑗小传、姜兆翀《松江诗钞》卷十九唐瑗小传及诗注）

王毓任，字东序，华亭人，诸生。（姜兆翀《松江诗钞》卷十九王毓任小传）

陈旭照，字晓苍，青浦人，诸生，著有《芝阳集》。姜兆翀《松江诗钞》录其《客中除夕怀东序》。

（姜兆翀《松江诗钞》卷二十陈旭照王小传及诗）

黄氏著作

黄张美著作

方志载录：

《东皋倡和集》（光绪《青浦县志》卷十六选举封赠、卷二十七艺文志）

黄朱芾著作

文献载录：

《崧村诗钞》一卷（王昶《蒲褐山房诗话》、王昶《青浦诗传》卷二十一黄朱芾小传、姜兆翀《松江诗钞》卷二十黄朱芾小传、光绪《青浦县志》卷二十七艺文志）按：余怀序，称其诗和平温厚、原本风雅。

《素心集》（王昶《蒲褐山房诗话》、王昶《青浦诗传》卷二十一黄朱芾小传）

《浮舟倡和集》（王昶《蒲褐山房诗话》、王昶《青浦诗传》卷二十一黄朱芾小传、光绪《青浦县志》卷二十七艺文志）按：与舅孙鎡合著，见姜兆翀《松江诗钞》卷二十黄朱芾小传。

现存集部著作：

《崧村诗稿》一卷，康熙三十二年刻本（上图）。

王原世家

王原（顺治三年—雍正七年），本姓蔡，原名深，字仲深，又字令贻、学庵，晚号西亭，青浦人，居启圣里，后迁来苏门，附郭。幼慧能诗，及长，斥陈李诗为俳优，与查慎初兄弟专效宋人。年二十四补县学生，康熙二十六年中举人，康熙二十七年中进士，出刑部尚书徐乾学门下，未及用，从徐乾学修《一统志》于包山，受业于王士慎，中年又从陆陇其、汤斌讲道学，一时士大夫争相推许，诗酒酬唱。康熙三十三年，任广东茂名知县。县旧征粮责之里长，里长压派于民户，一石至二三十两，民弃田逃。原令编造业户实名，里长之弊遂革。初，逃户弃田，遗粮摊诸邻户，归则并数年之所摊责之，以是逃者卒不敢复。原代为捐输，不许派累，而逃户之归者日

集。邑有人市，卖子鬻妻以为常，原下令有犯者绳以法，人市始除。邑故地荒俗敝，原又为禁巫覡，锄强梁，雪冤滞，颁婚葬之式，设义学教之，颂声大作。移署信化，以解犯脱逃解任。弋获，复官，补贵州铜仁县知县。县故苗地，原建学以训子弟，教治葛以为布，焙茶榨油以为用。溪水湍急，教之造舟以兴贩。设保正、保副，训练乡勇以备苗患。苗寨皆为设长贰以约束之，群苗贴然，铜仁大治。康熙四十一年行取授工科给事中，条陈苗疆事宜，一曰严通苗之禁例，一曰定土司之处分，一曰饬汛弁之黜剿。又疏请裁卫所改州县，皆目击时弊，言凿凿。平阳知府马思赞请以天下钱粮加一火耗作为正供，原奏言力陈其不可，议遂寝。寻以劾文选司郎中陈汝弼奸贪状降级，归田，官给事中仅一年。原学有根柢，受业陆陇其、汤斌之门，从其讲学，精研理道，一以濂洛为宗。擢任谏垣诸疏，皆以亲历所见立言，叙事论理切合实际。著述等身，年八十四卒。（王原《西亭文抄》卷首、乾隆《江南通志》卷一百六十六、王昶《春融堂集》卷六十四王原传、王昶《蒲褐山房诗话》、王昶《青浦诗传》卷二十一王原小传、乾隆《青浦县志》、李桓《国朝耆献类征初编》卷一百三十五补录、钱仪吉《碑传集》卷五十五、嘉庆《松江府志》卷五十七古今人传九、张维屏《国朝诗人征略初编》卷四十三、光绪《青浦县志》卷十五选举卷十七人物一列传、徐世昌《清儒学案小传》卷一三鱼学案附）

王原家族

父 王梦求，王原父，字九征，以学行被知遇，诗文见称于陈子龙。顺治十七年为岁贡生，以子王原贵封赠工科给事中。（王昶《春融堂集》卷六十四王原传、姜兆翀《松江诗钞》卷六、嘉庆《松江府志》卷五十七古今人传九王原传、光绪《青浦县志》卷十五十六选举卷十七人物一王原传）按：王昶《王原传》卷六十四云九征为明季岁贡生。

王原

侄 王集思，字益存，青浦人。工诗，好饮酒。（姜兆翀《松江诗钞》卷三十四小传及诗）

女婿 杨陆荣，字采南，号潭西，青浦人。传见前。

王原交游

师 徐乾学，传见青浦孙鉉交游。

师 王士慎，传见娄县张安茂交游。王士慎尝题王原《淞南柳矶图》，作送其之官铜仁诗。（王昶《蒲褐山房诗话》、王昶《青浦诗传》卷二十一王原小传）

师 陆陇其，传见金山周霭联交游。

师 汤斌，传见华亭宋征舆世家之交游。汤斌尝作送王原之官铜仁诗。（王昶《蒲褐山房诗话》、王昶《青浦诗传》卷二十一王原小传）

查慎行，字悔馥，号他山，晚号初白，浙江海宁人。少受学黄宗羲，邃於《易》。性喜作诗，游览所至，辄有吟咏，名闻禁中。康熙三十二年中举人。康熙四十一年皇帝东巡，以大学士陈廷敬荐，诏诣行在赋诗，又诏随入都，直南书房。与王原等诗酒唱和，尝作《次韵移寓保安街》、《下直偶过令貽寓斋》。康熙四十二年赐进士出身，选庶吉士，授编修，充武英殿书局校勘。康熙五十二年，乞病归，筑初白庵以居，潜心著述。著有《敬业堂诗集》等。（王昶《蒲褐山

房诗话》、王昶《青浦诗传》卷二十一王原小传、《清史稿》卷四百八十四列传二百七十一文苑一)

朱彝尊,字锡鬯,秀水人。传见华亭董含交游。朱彝尊尝与王原同作过白云寺分韵诗,同作《苦热联句》。(王昶《蒲褐山房诗话》、王昶《青浦诗传》卷二十一王原小传)

王元臣,字圣诚,康熙九年进士。器识端凝,思致精密,弛之士往往惮其绳检。历任浙江会稽、湖广祁阳酃县知县,俱有实政。摄桂阳暨道州,一如治县。致仕后居珠街镇,与王原、唐士恂互相倡和,称莫逆交。孙王德宣,字敬旃,廪监生,考授吏目。十岁能文,中年游幕,鄂尔泰重之。(光绪《青浦县志》卷十九文苑传)

瞿然畏,字观我,号萍菴,娄县人。少为王原父王梦求弟子,沉酣经籍子史,屡试不售,益始肆力于诗古文,与程化龙、王原、任潢、范超友善,往来唱和。详见华亭周纶交游。(周厚地《千山志》卷二里族卷十一人物、姜兆翀《松江诗钞》卷十二瞿然畏小传及诗)。

鄂曾,字幼舆,本姓岳,宋鄂王飞后,仁和人。耽吟咏,篆刻尤工。妻顾姒,姒父之绣,官青浦县丞,鄂曾随之以来,与王原交最厚。顾姒与钱塘林以宁、华亭曹鑑冰结澌滨诗会,退与夫婿唱和,能忘其贫,王原序其集。(光绪《青浦县志》卷二十二人物六游寓传卷二十三列女一)

能印,传见青浦智操交游。王原赠其诗云:“印公今才子,遁世脱白服。百篇咏梅诗,泠泠叩清玉。爱君落花吟,一句为三复。诗情老更健,天赋疑所独。难得古人内,何暇论流俗。”(王昶《蒲褐山房诗话》)

附

王梦求交游

施世则,字仲伦,府学生,有文誉,王梦求尝从之学。甲申后弃诸生,放情诗酒,自号山樵子,居七宝镇,坐卧一小阁,拥书千卷,时浮大白,或哭或笑,长吟短咏以为常。诗名《酩酊阁集》。(光绪《青浦县志》卷二十忠义传)

程化龙,字禹门,休宁籍。父大任,见懿行传。化龙少孤,事母孝。受业王梦求之门。康熙九年进士,授内阁中书。寻以事谪归。兄含文歿于南雄,化龙间关兵火,访求骸骨。从叔周量兵乱卒官,出赀治丧而还。闻者重其义焉。(光绪《青浦县志》卷二十孝友传)

倪纶,字兰皋,县学生。少学于王梦求、程化龙,喜歌诗,三十年积至数千百首,有元白风。走京师,蹭蹬无所遇,其诗益繁,李天馥、王日藻定其《燕台游草》刊行于世。(光绪《青浦县志》卷十九文苑传)

王原第宅

王原居,有蜚室、鉶阁、箕斋,原各为记。(嘉庆《松江府志》卷七十八青浦县第宅、光绪《青浦县志》卷十二名迹园第)按,王原《蜚室记》:“余郭外之居,老屋数椽,湫隘喧杂。庑下一弓,其室尤卑陋,仅容一几二坐,余归田后惟于此栖笔砚。客至,无亲疏雅俗,咸造闾直入,无退避之所。衰年多病,不堪尘俗狎鬻,思离家逃匿,则以八口米盐托命,耄翁鲜堪,仔者俯仰前却,无能为虑。康熙五十八年冬,邻人某迁去,附余居之右,遗败屋一二椽,强以归余,余弃砚田以酬其直。于是召工匠,庀木甃,易蛀缀阙,经营尽瘁,历今春暮始毕工,视庑下稍可展膝。

其地介庖湍杵臼之间,佣奴爨婢之声相闻唯然,故非市人剥啄者所可到,墙东之隐迹或殆庶焉。余乃移坐榻,读书其中,有以尘俗相索者谨谢之,其不能终谢者则择之简酬应、慎言词,适体怡神,仿佛夫子安老之义,因名之曰茧室。盖师老蚕之智,将以蚕之蛰于茧者自况也。夫蚕之智,非仅以茧庇其身也,用之则为黼黻,施五彩,昭文章,辨等威,可以祀郊庙,秩朝常,备礼币,修军器,其利乃至衣被乎天下。不用则藏形于蛹,化蛾而蛲,委脱于残纬之筐,斯已矣。然则同是茧也,用则利在斯世,而不免于殉其身,孰与不用者之遗世而得全其身者乎?余窃取以自况者,在此而不在彼。方幸夫寄是室以终老也,尚奚以庖湍杵臼之未远佣奴爨婢之声之难绝,以是为犹有所未嫌于心也耶?乃为《茧室记》以载岁月。”

大树轩、蕉窗,在青浦县,杨氏居,王原授经处,王原有记。(光绪《青浦县志》卷十二名迹园第)

王原著作

文献载录:

《学庵文类》、《学庵诗类》诗文近百卷(嘉庆《松江府志》卷七十二艺文志)

《短檠集》、《闽海集》、《潘州集》、《惠阳集》、《铜仁集》、《鸾台集》、《沧江集》、《南窗集》、《北乡集》、《寒竿集》、《过岭集》(嘉庆《松江府志》七十二艺文志)

《学庵文类》四十四卷(光绪《青浦县志》卷二十七艺文志)按:光绪《青浦县志》卷二十七艺文志注云:“今见手稿本六册,卷未分。”

《学庵诗类》五十二卷(光绪《青浦县志》卷二十七艺文志)按:光绪《青浦县志》卷二十七艺文志注云:“凡有《短檠》、《北乡》、《闽海》、《寒竿》、《小草》、《过岭》、《潘州》、《惠阳》、《岫云》、《铜江》、《鸾台》、《沧江》、《都蔗》、《南窗》诸集,各有小序,钞本皆藏邑中董和衷家。”

《西亭文钞》十二卷 刘汝锡校订本(民国《青浦县续志》艺文志)按:民国《青浦县续志》艺文志注:光绪《青浦县志》载《学庵文类》四十四卷,王原著,今见手稿本六册,卷未分,光绪间刘汝锡为之编排卷数,校刊之,名《西亭文钞》,茂名杨颐序。杨颐《西亭文钞序》:“文有二道焉,熟察乎古今事物之变,权衡其得失而折其中,切验之身心日用之常,剖别其是非而究其要,而于理之确乎不易者不得不笔之于书,于情之洞然无疑者不能不揭之于世。按之则有物,循之则可行,此有德者之言也。穷极形相,则侈诞恢奇,雕琢性灵,则沉怪僻险,错综万类,而辞不根于经,撷猎百家而义不适于用,然而匠心所辟,光景日新,要使览者神怡,诵之色变,此有言者之言也。二者不同道而明,覆达用颢,惟有德之言是归。青浦王西亭先生蚤岁劬学,执贽于汤文正、陆清献两大儒,与闻濂洛之绪。既长,由甲科出宰吾茂名,权信化,补黔中铜仁,所至政绩超殊流俗。其后行耿,授谏院,益抒所学以为敷奏。遇事抗论,不避豪贵,一岁落其职。生平研精理道,撰著甚富,于古文辞尤所殚力。光绪戊子,颐奉简命,视学三吴,刘子汝锡编先生旧稿,厘为十二卷,名曰《西亭文钞》,梓以行世。颐受而读之,开卷进御上书诸篇,仰赞圣德,下河民瘼,不视内外异职,不以出处异言,忭恻公忠,风起百世,至于人心学术之辨,名教世道之忧,或托讽于记序,或发端于论议,以迄公私楮墨、寻常酬应,率皆措辞于大,而主义于正,信乎发乎情、止乎理,可谓体用兼备者矣。抑颐尤